

benedicto. Datum et actum in castro nostro episcopali Stolpin anno etc. LXV. die XV. mensis Octobris nostro sigillo hic subimpenso.

Nach einer ungenauen und deshalb vielfach corrigirten Abschrift bei Grundmann cod. dipl. ep. Misn. VIII. f. 3051.

No. 1082. 1465. 21. Nov.

*Der apostol. Legat B. Rudolph zu Breslau bestätigt dem Hochstift den Besitz der bei der Krone Böhmen lehnpflichtigen Güter bis auf einen künftigen rechtgläubigen König.*

Wir Rudolphus von gots gnaden bisschoff zcu Breslaw vnd Lavant, vnsirs allirheiligstin vaters vnd herrn hern Pauls babist des andirn vnd des heiligen Romischen stuls in dewtschen vnd andirn landin vndir dy krone des loblichin reichs zcu Behem gehorende legat bekennen, das der erwirdige in got vater vnd herr her Theodericus bisschoff zcu Meissen hat an vns lassin anbringin, wie etwann bischeff Johannes selliger sein liber vorfarn hette von dem edeln hern Hincko Bireke von der Dawben, etwan her czum Hoenstein das gut vnd dorff wustin Ludwigstorff vff dy czeit czum Hoensteine gehorende in eyne rechtin kowffe erplich gekoufft czu der kirchen czu Meissen vnd iren bisschoffen nach inhalt vnd lawtte der kouffbriue dorobir awsgegangin, obir welchin kouff vnd contract der obgnante her Hincke vorkouffer bisher nach keyn gonstbrieff vnd vorwillunge von etwann konigin czu Beehmen geschickt hette, doraws der kirchin czu Meissen nicht eleiner schaden czukomfftlichin erstehn mochte, vns gar demutilichin hat lassin bitten, wir woldin von bepstlicher gewalt off sulchin erbkouff vnßern gunstbrieff vnd willunge gebin, vnd den vnd ander erbkouffe obir ander gutter vnd dorffer, die der stift vnd kirche zu Meissen hat von der cronen zu Beehmen zu lehin rurende gegangin, bis zcu einen zukomfftlichin kristlichin konige zu bestetigen vnd gunst vnd vorwillunge gebin. Habin wir Rudolphus bischeff etc. obgnant soliche czemliche vnd gar mogeliche bethe angesehn vnd habin von bebstlicher macht, yn des henden ytezund das künigreich zu Beehmen mit allen yngeleibten landen gesatzt ist, zu ere den heiligen patron vnd nocz und fromen der kirchen zu Meissen vnd seiner bischeffin zu solichen vnd andern erbkouffin vbir das gut vnd dorff wuste Lodwigstorff vnd ander gutter vnd dorffer, dy der stift vnd kirche zu Meissen hat rurende von der erohn zu Beehmen zu lehn, vnser gonst vnd vorwillunge gegeben vnd in vnd mit crafft dieses vnser brieffes gonnen gebin vnd bestetigen biß uff einen zukomftigin cristlichin konig von Beehmen, machende die kirche zu Missen vnd ire bischeffe solicher gutter rechte erbliche vnd eliche besitzer, vnd wollin diesse fortmehr zu ewigen geezeitin bey der obgnantin kirche zu Missen sullin vngehindert bleibin. Des zu orkunde habin wir dissen briff mit vnssim uffgedrucktin ingesigele lassin vorsigeln, der gegeben ist czu Bresslow in vnssir wonung an dem eynvndczwenzigstin tage des mondin Novembris zcu latein genant, als man schreibt noch Crists geburt tausent virhundirt vnd funffvndsechzigisten iare.

Nachrichten von d. Hohensteinischen Amts-Stadt Neustadt etc. 1759. S. 8. f. vergl. mit unvollständigen Abschriften in Grundmann cod. dipl. ep. Misn. Suppl. I. 59 u. dessen Collectan. z. Meissn. Gesch. II. 122.